




史傳與現代生活：

第十九講 三國遺恨： 龐統、法正與陸抗

第十九講 三國遺恨：龐統、法正與陸抗

-- 龐統

□出處：三國志卷三十七蜀書. 龐統、法正傳第七

□少時樸鈍，唯龐德公與司馬徽奇之

➤襄陽記曰：統，德公從子也，少未有識者，惟德公重之，年十八，使往見德操。德操與語，既而歎曰：「德公誠知人，此實盛德也。」

第十九講 三國遺恨：龐統、法正與陸抗

-- 龐統

□少時樸鈍，唯龐德公與司馬徽奇之

➤少時樸鈍，未有識者。潁川司馬徽清雅有知人鑒，統弱冠往見徽，徽採桑於樹上，坐統在樹下，共語自晝至夜。徽甚異之，稱統當南州士之冠冕，由是漸顯。

第十九講 三國遺恨：龐統、法正與陸抗

-- 龐統

□少時樸鈍，唯龐德公與司馬徽奇之

➤世說新語. 言語：南郡龐士元聞司馬德操在潁川，故二千里候之。至，遇德操采桑，士元從車中謂曰：「吾聞丈夫處世，當帶金佩紫，焉有屈洪流之量，而執絲婦之事。」德操曰：「子且下車，子適知邪徑之速，不慮失道之迷。昔伯成耦耕，不慕諸侯之榮；原憲桑樞，不易有官之宅。何有坐則華屋，行則肥馬，侍女數十，然後為奇。此乃許、父所以慷慨，夷、齊所以長歎。雖有竊秦之爵，千駟之富，不足貴也！」士元曰：「僕生出邊垂，寡見大義。若不一叩洪鍾，伐雷鼓，則不識其音響也。」

第十九講 三國遺恨：龐統、法正與陸抗

-- 龐統

□少時樸鈍，唯龐德公與司馬徽奇之

➤襄陽記曰：諸葛孔明為臥龍，龐士元為鳳雛，司馬德操為水鏡，皆龐德公語也。

第十九講 三國遺恨：龐統、法正與陸抗

-- 龐統

□好稱許人，以敦世教

➤後郡命為功曹。性好人倫，勤於長養。每所稱述，多過其才，時人怪而問之，統答曰：「當今天下大亂，雅道陵遲，善人少而惡人多。方欲興風俗，長道業，不美其譚即聲名不足慕企，不足慕企而為善者少矣。今拔十失五，猶得其半，而可以崇邁世教，使有志者自勵，不亦可乎？」

第十九講 三國遺恨：龐統、法正與陸抗

-- 龐統

□有自知之明與識人之明

➤瑜卒，統送喪至吳，吳人多聞其名。及當西還，並會昌門，陸勰、顧劭、全琮皆往。統曰：「陸子可謂駑馬有逸足之力，顧子可謂駑牛能負重致遠也。」謂全琮曰：「卿好施慕名，有似汝南樊子昭。雖智力不多，亦一時之佳也。」績、劭謂統曰：「使天下太平，當與卿共料四海之士。」深與統相結而還。

第十九講 三國遺恨：龐統、法正與陸抗

-- 龐統

□有自知之明與識人之明

- 張勃吳錄曰：或問統曰：「如所目，陸子為勝乎？」統曰：「駑馬雖精，所致一人耳。駑牛一日行三百里，所致豈一人之重哉！」
- 吳錄曰：劭就統宿，語，因問：「卿名知人，吾與卿孰愈？」統曰：「陶冶世俗，甄綜人物，吾不及卿；論帝王之秘策，攬倚伏之要最，吾似有一日之長。」劭安其言而親之。

第十九講 三國遺恨：龐統、法正與陸抗

-- 龐統

□初任耒陽令，後升任治中從事、軍師中郎將

➤先主領荊州，統以從事守耒陽令，在縣不治，免官。吳將魯肅遺先主書曰：「龐士元非百里才也，使處治中、別駕之任，始當展其驥足耳。」諸葛亮亦言之於先主，先主見與善譚，大器之，以為治中從事。親待亞於諸葛亮，遂與亮並為軍師中郎將。

第十九講 三國遺恨：龐統、法正與陸抗

-- 龐統

□初任耒陽令，後升任治中從事、軍師中郎將

➤江表傳曰：先主與統從容宴語，問曰：「卿為周公瑾功曹，孤到吳，聞此人密有白事，勸仲謀相留，有之乎？在君為君，卿其無隱。」統對曰：「有之。」備歎息曰：「孤時危急，當有所求，故不得不往，殆不免周瑜之手！天下智謀之士，所見略同耳。時孔明諫孤莫行，其意獨篤，亦慮此也。孤以仲謀所防在北，當賴孤為援，故決意不疑。此誠出於險塗，非萬全之計也。」

第十九講 三國遺恨：龐統、法正與陸抗

-- 龐統

□勸劉備取益州

➤九州春秋曰：統說備曰：「荊州荒殘，人物殫盡，東有吳孫，北有曹氏，鼎足之計，難以得志。今益州國富民彊，戶口百萬，四部兵馬，所出必具，寶貨無求於外，今可權借以定大事。」備曰：「今指與吾為水火者，曹操也，操以急，吾以寬；操以暴，吾以仁；操以譎，吾以忠；每與操反，事乃可成耳。今以小故而失信義於天下者，吾所不取也。」統曰：「權變之時，固非一道所能定也。兼弱攻昧，五伯之事。逆取順守，報之以義，事定之後，封以大國，何負於信？今日不取，終為人利耳。」備遂行。

第十九講 三國遺恨：龐統、法正與陸抗

-- 龐統

□為劉備擬取益州戰略

➤亮留鎮荊州。統隨從入蜀。

➤勸於涪會取劉璋

✓益州牧劉璋與先主會涪，統進策曰：「今因此會，便可執之，則將軍無用兵之勞而坐定一州也。」先主曰：「初入他國，恩信未著，此不可也。」

第十九講 三國遺恨：龐統、法正與陸抗

-- 龐統

□ 為劉備擬取益州戰略

➤ 為劉備規畫取益州之上、中、下三計，劉備採中計

✓ 璋既還成都，先主當為璋北征漢中，統復說曰：「陰選精兵，晝夜兼道，徑襲成都；璋既不武，又素無預備，大軍卒至，一舉便定，此上計也。楊懷、高沛，璋之名將，各仗彊兵，據守關頭，聞數有牋諫璋，使發遣將軍還荊州。將軍未至，遣與相聞，說荊州有急，欲還救之，並使裝束，外作歸形；此二子既服將軍英名，又喜將軍之去，計必乘輕騎來見，將軍因此執之，進取其兵，乃向成都，此中計也。退還白帝，連引荊州，徐還圖之，此下計也。若沈吟不去，將致大因，不可久矣。」

第十九講 三國遺恨：龐統、法正與陸抗

-- 龐統

□ 為劉備擬取益州戰略

➤ 為劉備規畫取益州之上、中、下三計，劉備採中計

✓ 先主然其中計，即斬懷、沛，還向成都，所過輒克。

第十九講 三國遺恨：龐統、法正與陸抗

-- 龐統

□為劉備擬取益州戰略

➤於涪會勸劉備謹慎國事

✓於涪大會，置酒作樂，謂統曰：「今日之會，可謂樂矣。」統曰：「伐人之國而以為歡，非仁者之兵也。」先主醉，怒曰：「武王伐紂，前歌後舞，非仁者邪？卿言不當，宜速起出！」於是統逡巡引退。先主尋悔，請還。統復故位，初不顧謝，飲食自若。先主謂曰：「向者之論，阿誰為失？」統對曰：「君臣俱失。」先主大笑，宴樂如初。

第十九講 三國遺恨：龐統、法正與陸抗

-- 龐統

□為劉備擬取益州戰略

➤於涪會勸劉備謹慎國事

✓臣松之以為謀襲劉璋，計雖出於統，然違義成功，本由詭道，心既內疚，則歡情自戢，故聞備稱樂之言，不覺率爾而對也。備宴酣失時，事同樂禍，自比武王，曾無愧色，此備有非而統無失，其云「君臣俱失」，蓋分謗之言耳。

第十九講 三國遺恨：龐統、法正與陸抗

-- 龐統

□ 龐統之死：圍雒縣，中矢身亡

➤ 進圍雒縣，統率眾攻城，為流矢所中，卒，時年三十六。先主痛惜，言則流涕。... 諸葛亮親為之拜。追賜統爵關內侯，諡曰靖侯。

第十九講 三國遺恨：龐統、法正與陸抗

-- 法正

□出身

- 祖父真，有清節高名。

□初事劉璋不遇

- 建安初，天下饑荒，正與同郡孟達俱入蜀依劉璋，久之為新都令，後召署軍議校尉。
- 既不任用，又為其州邑俱僑客者所謗無行，志意不得。益州別駕張松與正相善，忖璋不足與有為，常竊歎息。

第十九講 三國遺恨：龐統、法正與陸抗

-- 法正

□與張松勸劉璋迎劉備

- 松於荊州見曹公還，勸璋絕曹公而自結先主。璋曰：「誰可使者？」松乃舉正，正辭讓，不得已而往。

第十九講 三國遺恨：龐統、法正與陸抗

-- 法正

□為劉備規畫取益州大計

- 正既還，為松稱說先主有雄略，密謀協規，願共戴奉，而未有緣。後因璋聞曹公欲遣將征張魯之有懼心也，松遂說璋宜迎先主，使之討魯，復令正銜命。

第十九講 三國遺恨：龐統、法正與陸抗

-- 法正

□為劉備規畫取益州大計

- 正既宣旨，陰獻策於先主曰：「以明將軍之英才，乘劉牧之懦弱；張松，州之股肱，以響應於內；然後資益州之殷富，馮天府之險阻，以此成業，猶反掌也。」先主然之，泝江而西，與璋會涪。北至葭萌，南還取璋。

第十九講 三國遺恨：龐統、法正與陸抗

-- 法正

□助劉備取益州

➤鄭度說璋曰：「左將軍縣軍襲我，兵不滿萬，士眾未附，野穀是資，軍無輜重。其計莫若盡驅巴西、梓潼民內涪水以西，其倉廩野穀，一皆燒除，高壘深溝，靜以待之。彼至，請戰，勿許，久無所資，不過百日，必將自走。走而擊之，則必禽耳。」

第十九講 三國遺恨：龐統、法正與陸抗

-- 法正

□助劉備取益州

先主聞而惡之，以問正。正曰：「終不能用，無可憂也。」璋果如正言，謂其群下曰：「吾聞拒敵以安民，未聞動民以避敵也。」於是黜度，不用其計。

第十九講 三國遺恨：龐統、法正與陸抗

-- 法正

□助劉備取益州

- 及軍圍雒城，正牋與璋曰：「...正雖獲不忠之謗，然心自謂不負聖德，顧惟分義，實竊痛心。左將軍從本舉來，舊心依依，實無薄意。愚以為可圖變化，以保尊門。」

第十九講 三國遺恨：龐統、法正與陸抗

-- 法正

□助劉備取益州

➤十九年，進圍成都，璋蜀郡太守許靖將踰城降，事覺，不果。璋以危亡在近，故不誅靖。璋既稽服，先主以此薄靖不用也。正說曰：「天下有獲虛譽而無其實者，許靖是也。然今主公始創大業，天下之人不可戶說，靖之浮稱，播流四海，若其不禮，天下之人以是謂主公為賤賢也。宜加敬重，以眩遠近，追昔燕王之待郭隗。」先主於是乃厚待靖。

第十九講 三國遺恨：龐統、法正與陸抗

-- 法正

□深得劉備寵信，為人恩怨分明

- 以正為蜀郡太守、揚武將軍，外統都畿，內為謀主。
- 一食之德，睚眦之怨，無不報復，擅殺毀傷己者數人。或謂諸葛亮曰：「法正於蜀郡太縱橫，將軍宜啟主公，抑其威福。」

第十九講 三國遺恨：龐統、法正與陸抗

-- 法正

□深得劉備寵信，為人恩怨分明

➤亮答曰：「主公之在公安也，北畏曹公之彊，東憚孫權之逼，近則懼孫夫人生變於肘腋之下；當斯之時，進退狼跋，法孝直為之輔翼，令翻然翱翔，不可復制，如何禁止法正使不得行其意邪！」初，孫權以妹妻先主，妹才捷剛猛，有諸兄之風，侍婢百餘人，皆親執刀侍立，先主每入，衷心常凜凜；亮又知先主雅愛信正，故言如此。

第十九講 三國遺恨：龐統、法正與陸抗

-- 法正

□勸劉備取漢中，並隨軍輔助，初戰破夏侯淵

➤二十二年，正說先主曰：「曹操一舉而降張魯，定漢中，不因此勢以圖巴、蜀，而留夏侯淵、張郃屯守，身遽北還，此非其智不逮而力不足也，必將內有憂徧故耳。今策淵、郃才略，不勝國之將帥，舉眾往討，則必可克。克之之日，廣農積穀，觀釁伺隙，上可以傾覆寇敵，尊獎王室，中可以蠶食雍、涼，廣拓境土，下可以固守要害，為持久之計。此蓋天以與我，時不可失也。」先主善其策，乃率諸將進兵漢中，正亦從行。

第十九講 三國遺恨：龐統、法正與陸抗

-- 法正

□勸劉備取漢中，並隨軍輔助，初戰破夏侯淵

➤二十四年，先主自陽平南渡沔水，緣山稍前，於定軍、興勢作營。淵將兵來爭其地。正曰：「可擊矣。」先主命黃忠乘高鼓譟攻之，大破淵軍，淵等授首。曹公西征，聞正之策，曰：「吾故知玄德不辦有此，必為人所教也。」

第十九講 三國遺恨：龐統、法正與陸抗

-- 法正

□勸劉備取漢中，並隨軍輔助，初戰破夏侯淵

➤臣松之以為蜀與漢中，其由唇齒也。劉主之智，豈不及此？將計略未展，正先發之耳。夫聽用嘉謀以成功業，霸王之主，誰不皆然？魏武以為人所教，亦豈劣哉！此蓋恥恨之餘辭，非測實之當言也。

第十九講 三國遺恨：龐統、法正與陸抗

-- 法正

□法正之死

- 先主立為漢中王，以正為尚書令、護軍將軍。明年卒，時年四十五。先主為之流涕者累日。諡曰翼侯。

第十九講 三國遺恨：龐統、法正與陸抗

-- 法正

□法正與諸葛亮

- 諸葛亮與正，雖好尚不同，以公義相取。
- 亮每奇正智術。先主既即尊號，將東征孫權以復關羽之恥，群臣多諫，一不從。章武二年，大軍敗績，還住白帝。亮歎曰：「法孝直若在，則能制主上，令不東行；就復東行，必不傾危矣。」

第十九講 三國遺恨：龐統、法正與陸抗

-- 法正

□法正與諸葛亮

- 先主與曹公爭，勢有不便，宜退，而先主大怒不肯退，無敢諫者。矢下如雨，正乃往當先主前，先主云：「孝直避箭。」正曰：「明公親當矢石，況小人乎？」先主乃曰：「孝直，吾與汝俱去。」遂退。

第十九講 三國遺恨：龐統、法正與陸抗

-- 時人、後人對龐統、法正之評論

- 華陽國志：曹操：「吾收奸雄略盡，獨不得正耶？」
- 陳壽評曰：龐統雅好人流，經學思謀，于時荆、楚謂之高俊。法正著見成敗，有奇畫策算，然不以德素稱也。擬之魏臣，統其荀彧之仲叔，正其程、郭之儔儷邪？

第十九講 三國遺恨：龐統、法正與陸抗

-- 時人、後人對龐統、法正之評論

- 禰衡評：龐統與諸葛亮二人不同處，即在龐統長於臨急應變，臨危決策，勇猛精進。諸葛亮的長處在於深謀遠慮，運籌帷幄，領導群倫。我們想如果龐統、法正不早死，則先主征吳，法正為輔，不僅不致大敗，且有戰勝的可能。龐統若在，則孔明六出祁山，有他參謀決斷，則不致辜陸魏延子午谷出奇兵取勝之計，也不致有馬謖街亭之失。二人早喪，關係蜀漢的命運太大了。

第十九講 三國遺恨：龐統、法正與陸抗

-- 陸抗

□ 出處：三國志卷五十八. 吳書. 陸遜傳第十三

□ 為父辯冤

➤ 抗字幼節，...遜卒時，年二十，拜建武校尉，領遜眾五千人，送葬東還，詣都謝恩。孫權以楊竺所白遜二十事問抗，禁絕賓客，中使臨詰，抗無所顧問，事事條答，權意漸解。

第十九講 三國遺恨：龐統、法正與陸抗

-- 陸抗

□ 出處：三國志卷五十八. 吳書. 陸遜傳第十三

□ 為父辯冤

➤ 太元元年，就都治病。病差當還，權涕泣與別，謂曰：「吾前聽用讒言，與汝父大義不篤，以此負汝。前後所問，一焚滅之，莫令人見也。」

第十九講 三國遺恨：龐統、法正與陸抗

-- 陸抗

□屯治有法

- 與諸葛恪換屯柴桑。抗臨去，皆更繕完城圍，葺其牆屋，居廬桑果，不得妄敗。恪入屯，儼然若新。而恪柴桑故屯，頗有毀壞，深以為慚。

第十九講 三國遺恨：龐統、法正與陸抗

-- 陸抗

□蜀漢亡後，孫皓執政，陸抗上疏議政

- 抗聞都下政令多闕，憂深慮遠，乃上疏曰：「臣聞德均則眾者勝寡，力侔則安者制危，...謹陳時宜十七條如左。」
- 時何定弄權，閹官預政；抗上疏曰：「臣聞開國承家，小人勿用，...然後俗化可清，庶政無穢也。」

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

- 聞西陵督步闡據城叛降晉，先不攻步闡，僅堅圍困之，並分兵阻巴東、江陵二路晉軍，而自率大軍擋晉荊州刺史植肇，月餘，擊潰肇軍，二路晉軍亦退；攻破西陵城，誅為首叛將，盡赦從附軍士。

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

✓ 鳳皇元年，西陵督步闡據城以叛，遣使降晉。抗聞之，日部分諸軍，令將軍左奕、吾彥、蔡貢等徑赴西陵，敕軍營更築嚴圍，自赤谿至故市，內以圍闡，外以禦寇，晝夜催切，如敵以至，眾甚苦之。諸將咸諫曰：「今及三軍之銳，亟以攻闡，比晉救至，闡必可拔。何事於圍，而以弊士民之力乎？」抗曰：「此城處勢既固，糧穀又足，且所繕修備禦之具，皆抗所宿規。今反身攻之，既非可卒克，且北救必至，至而無備，表裏受難，何以禦之？」

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

✓ 諸將咸欲攻闡，抗每不許。宜都太守雷譚言至懇切，抗欲服眾，聽令一攻。攻果無利，圍備始合。

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

✓ 晉車騎將軍羊祜率師向江陵，諸將咸以抗不宜上，抗曰：「江陵城固兵足，無所憂患。假令敵沒江陵，必不能守，所損者小。如使西陵繫結，則南山群夷皆當擾動，則所憂慮，難可竟言也。吾寧棄江陵而赴西陵，況江陵牢固乎？」初，江陵平行，道路通利，抗敕江陵督張咸作大堰遏水，漸漬平中，以絕寇叛。祜欲因所遏水，浮船運糧，揚聲將破堰以通步車。抗聞，使咸亟破之。諸將皆惑，屢諫不聽。祜至當陽，聞堰敗，乃改船以車運，大費損功力。

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

✓ 晉巴東監軍徐胤率水軍詣建平，荊州刺史楊肇至西陵。抗令張咸固守其城；公安督孫遵巡南岸禦祜；水軍督留慮、鎮西將軍朱琬拒胤；身率三軍，憑圍對肇。將軍朱喬、營都督俞贊亡詣肇。抗曰：「贊軍中舊吏，知吾虛實者，吾常慮夷兵素不簡練，若敵攻圍，必先此處。」即夜易夷民，皆以舊將充之。

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

✓ 明日，肇果攻故夷兵處，抗命旋軍擊之，矢石雨下，肇眾傷死者相屬。肇至經月，計屈夜遁。抗欲追之，而慮闡畜力項領，伺視閒隙，兵不足分，於是但鳴鼓戒眾，若將追者。肇眾兇懼，悉解甲挺走，抗使輕兵躡之，肇大破敗，祐等皆引軍還。

✓ 抗遂陷西陵城，誅夷闡族及其大將吏，自此以下，所請赦者數萬口。

第十九講 三國遺恨：龐統、法正與陸抗

-- 陸抗

□ 善於用兵，弭平步闡叛亂

➤ 平步闡亂事後，脩治城圍，東還，謙沖如常

✓ 脩治城圍，東還樂鄉，貌無矜色，謙沖如常，故得將士歡心。

第十九講 三國遺恨：龐統、法正與陸抗

-- 陸抗

□以德惠與羊祜對峙

- 晉陽秋曰：抗與羊祜推僑、札之好。抗嘗遺祜酒，祜飲之不疑。抗有疾，祜饋之藥，抗亦推心服之。于時以為華元、子反復見於今。

第十九講 三國遺恨：龐統、法正與陸抗

-- 陸抗

□ 以德惠與羊祜對峙

➤ 漢晉春秋曰：羊祜既歸，增脩德信，以懷吳人。陸抗每告其邊戍曰：「彼專為德，我專為暴，是不戰而自服也。各保分界，無求細益而已。」於是吳、晉之閒，餘糧栖畝而不犯，牛馬逸而入境，可宣告而取也。沔上獵，吳獲晉人先傷者，皆送而相還。抗嘗疾，求藥於祜，祜以成合與之，曰：「此上藥也，近始自作，未及服，以君疾急，故相致。」抗得而服之，諸將或諫，抗不答。

第十九講 三國遺恨：龐統、法正與陸抗

-- 陸抗

□以德惠與羊祜對峙

- 又，孫皓聞二境交和，以詰於抗，抗曰：
「夫一邑一鄉，不可以無信義之人，而況大國乎？臣不如是，正足以彰其德耳，於祜無傷也。」

第十九講 三國遺恨：龐統、法正與陸抗

-- 陸抗

□勸孫皓愛惜人才

➤聞武昌左部督薛瑩徵下獄，抗上疏曰：「夫俊乂者，國家之良寶，...故大司農樓玄、散騎中常侍王蕃、少府李勣，皆當世秀穎，一時顯器，既蒙初寵，從容列位，而並旋受誅殛，或圯族替祀，或投棄荒裔。...而頃聞薛瑩卒見逮錄。瑩父綜納言先帝，...及瑩承基，內厲名行，今之所坐，罪在可宥。...」

第十九講 三國遺恨：龐統、法正與陸抗

-- 陸抗

□上疏勸富民任賢

➤時師旅仍動，百姓疲弊，抗上疏曰：「...今不務富國強兵，力農畜穀，使文武之才效展其用，百揆之署無曠厥職，明黜陟以厲庶尹，審刑罰以示勸沮，訓諸司以德，而撫百姓以仁，然後順天乘運，席卷宇內，而聽諸將徇名，窮兵黷武，動費萬計，士卒彫瘁，寇不為衰，而我已大病矣！...誠宜暫息進取小規，以畜士民之力，...」

第十九講 三國遺恨：龐統、法正與陸抗

-- 陸抗

□去世前，病中上疏勸增兵防西陵、建平

➤拜大司馬、荊州牧。三年夏，疾病，上疏曰：「西陵、建平，國之蕃表，既處下流，受敵二境。若敵汎舟順流，舳艫千里，星奔電邁，俄然行至，非可恃援他部以救倒縣也。此乃社稷安危之機，非徒封疆侵陵小害也。...」秋遂卒。

➤案：卒年49。父子鎮守荊州53年。

第十九講 三國遺恨：龐統、法正與陸抗

-- 陸抗

□ 史家之評論

- 陳壽評：抗貞亮籌幹，咸有父風，奕世載美，具體而微，可謂克構者哉！

第十九講 三國遺恨：龐統、法正與陸抗

-- 陸抗

□ 史家之評論

➤ 習鑿齒評陸抗、羊祜相待以禮之事

✓ 或以祜、抗為失臣節，兩譏之。習鑿齒曰：...是以羊祜恢大同之略，思五兵之則，齊其民人，均其施澤，振義網以羅彊吳，明兼愛以革暴俗，易生民之視聽，馳不戰乎江表。故能德音悅暢，而襁負雲集，殊鄰異域，義讓交弘，自吳之遇敵，未有若此者也。

第十九講 三國遺恨：龐統、法正與陸抗

-- 陸抗

□ 史家之評論

➤ 習鑿齒評陸抗、羊祜相待以禮之事

✓ 又：抗見國小主暴，而晉德彌昌，人積兼己之善，而已無固本之規，百姓懷嚴敵之德，闔境有棄主之慮，思所以鎮定民心，緝寧外內，奮其危弱，抗權上國者，莫若親行斯道，以侔其勝。使彼德靡加吾，而此善流聞，歸重邦國，弘明遠風，折衝於枕席之上，校勝於帷幄之內，傾敵而不以甲兵之力，保國而不浚溝池之固，信義感於寇讎，丹懷體於先日。豈設狙詐以危賢，徇己身之私名，貪外物之重我，闇服之而不備者哉！

第十九講 三國遺恨：龐統、法正與陸抗

-- 陸抗

□ 史家之評論

➤ 習鑿齒評陸抗、羊祜相待以禮之事

✓ 又：由是論之，苟守局而保疆，一卒之所能；協數以相危，小人之近事；積詐以防物，臧獲之餘慮；威勝以求安，明哲之所賤。賢人君子所以拯世垂範，舍此而取彼者，其道良弘故也。

第十九講 三國遺恨：龐統、法正與陸抗

-- 陸抗

□ 史家之評論

➤ 習鑿齒評陸抗、羊祜相待以禮之事

✓ 禰衡：時孫皓常以酷刑殺人，每有殺戮，抗即上書極諫，言甚切直，然未見孫皓震怒。孫皓似乎也知道陸抗是東吳的唯一支柱，無可奈何他，故終抗之世，未嘗得罪。...吳鳳凰三年秋，陸抗病死，這年冬天，晉軍即大舉伐吳。次年春東吳土崩瓦解，孫皓投降。計陸抗一人支持大局前後十餘年，抗死，吳即隨之而亡。